

**LAMENTO  
CHE FA  
IL BARBA POLO**

Per haver persa la Tognina sua Massara,  
Dove narra tutte le sue virtù ad una, ad una.  
Barzelletta piacevole, novamente posta in luce  
DA GIULIO CESARE CROCE

Chi ha mai vist' la mia Tognina  
Me l'insegna in cortesia,  
Chi sà dirmi ond'la sia,  
A vuoi darij una puina,  
Chi ha mai vist' la mia Tognina?

S'l andava in pescaria,  
Per tonina, o sturiòn,  
La vlea semper un bel tincon,  
O un bon luz in zelatina,  
Chi ha mai vist' la mia Tognina?

L'è tri di ch'l'andò via,  
Sta ribalda traditora,  
E s'n'pos star mez'hora  
Ch'an la vega stà assassina  
Chi ha mai vist' la mia Tognina?

Oh che gnochì, oh che lasagn,  
Oh che torta, oh che polpet  
L'am fieva, oh che guazzet  
A manzava ogn'mattina,  
Chi ha mai vist' la mia Tognina?

A son tant desperà  
S'an la trov', brigada mia,  
Ch'a farò qualch' pazzia,  
Per sta cagna malandrina.  
Chi ha mai vist' la mia Tognina?

S'la fieva la minestra,  
La impea semper' la pignatta,  
E la schiuma ch'era tratta,  
La la dieva a la mnina,  
Chi ha mai vist' la mia Tognina?

S'la fieva dal favor,  
La menava quel piston,  
Con tal furia e tal rason,  
Ch'al tremava la Cusina,  
Chi ha mai vist' la mia Tognina?

S'la filava dal garzol,  
La spudava in s'la cocca,  
Ch'al vgonea zo' da la rocca,  
Ch'al pareva seda fina,  
Chi ha mai vist' la mia Tognina?

S'la fieva la bugada,  
La fregava tant i pagn,  
Dria l'orel, e dria i vivagn,  
Che parevan d'urtighina,  
Chi ha mai vist' la mia Tognina?

S'la fileva d'la tela,  
La mnava un tal fraccas  
Con le calcul zò da bas  
Chal n'fù mai tanta ruina,  
Chi ha mai vist' la mia Tognina?

Quand' a la mandava in piazza  
Con la sporta a tor cuel,  
La vlea semper al Ravanel,  
Con l'Endivia molesina.  
Chi ha mai vist' la mia Tognina?

Quand l'iera da nadal,  
Ch'al s'fa quij cervelà,  
La fin stieva là sbrazzà,  
A plar la purzellina,  
Chi ha mai vist' la mia Tognina?

S'l andava in Beccaria,  
A comprar manz, o Castron,  
Lal' vlea semper in ti rugnon,  
Un bel pez' de quela fina  
Chi ha mai vist' la mia Tognina?

S'la fieva di salam,  
l'a i vlea di piena man,  
E s'fieva anch', ch'tut al san,  
D'la salcizza ch'era fina,  
Chi ha mai vist' la mia Tognina?

S'la fieva po' dal pan,  
La n'haveva paragon  
A vultar in sù al paston,  
E a trar sotta la farina,  
Chi ha mai vist' la mia Tognina?

S'l'andava a trar dal vin,  
La vlea che sò surella,  
Mtes la stoppa a la cannella  
Per non far guaz in cantina,  
Chi ha mai vist' la mia Tognina?

S'l' andava in tal pular,  
A purtar de la mundia,  
L'ingussava i pullastria,  
E s'cavava la pullina.  
Chi ha mai vist' la mia Tognina?

L'iera buona in conclusion,  
Da far tut quant'i fat,  
Lia po' a vender, e far contrat,  
Avanzava ogni vesina,  
Chi ha mai vist' la mia Tognina?

Oimè dia sa n' la trov,  
A son mort, a son finì,  
Car fradia s'a la savì  
N'sia la mia ruina,  
Chi ha mai vist' la mia Tognina?

S'la fus in casa vostra,  
O qui in cha de sti vsin,  
Insegnamla un puchetin,  
E 'n sen mò più marina,  
Chi ha mai vist' la mia Tognina?

Chi l'ha vista, o chi la tien,  
M'l insegna in carità,  
Ch'am a trou cunfinà,  
Fra la Forza e la Berlina,  
Chi ha mai vist' la mia Tognina?

N'm' fad mò più cercar,  
Ch'av prieg, i mia fradia,  
Perchè a son senza qustia,  
Un molin senza farina,  
Chi ha mai vist' la mia Tognina?

Oh Tugnina, torna a chà,  
Torna a chà, cara fiola,

E 'n far la mattazzola,  
N'tardar, vien via, camina  
Chi ha mai vist' la mia Tognina?

T'fa pur ch'in casa mia  
T'ieè patrona d'ogn' cosa  
Donca vien cara mrosa,  
Ch'ha t'ho cot una gallina,  
Chi ha mai vist' la mia Tognina?

Oh minchion t'sta a cridar,  
Ch't' par un galauron,  
E lia stà con al berton,  
A cantar la bustachina,  
Chi ha mai vist' la mia Tognina?

Mò da pò ch'a veg in tut  
Ch'l an vien, e ch'la n'appar,  
Am vuoi andar a trar  
In tal poz' di cantina,  
Chi ha mai vist' la mia Tognina?

Cosa harat traditora,  
Quand' pò a frò anegà,  
Fuorsa pò t'pianzerà  
La mia mort' puverina,  
Chi ha mai vist' la mia Tognina?

Mò a pens' pò fa vò a negarm,  
Ch'ha srò tgnu per mat,  
Ch'un ch'fazza un simil at,  
Al Demonio poi al trascina,  
Chi ha mai vist' la mia Tognina?

A vuoi donca star al mond,  
Fian che piaserà a la mort,  
Fuors'un dì per mio confort,  
Turnerà la mia Tognina,  
Chi ha mai vist' la mia Tognina?